

SSA PORTA

“Lasciate ogni speranza voi che entrate...” (Dante)

*filieri
cu thrasi cu nesci ri gghienti si rapi
cu' stenni i so pieri
cu ri l'authri
e quarcarunu cci stapi
e iu
ca cuvu mamoria, aruci, circànnivi
piatusu, i ma rui
pinzusu ...ca u suonnu ô scuru râ notti
nnuccenti è na prova
e se u llusthu si stuta rê jorna
è l'aternu ri chissi ca l'arma
ri l'uocci – nta-ll'ura - cci abbola a li cela
e nun torna
e cca rinthra...nthrasiennu... macari l'umm'ra
ciamata spranza
com'è scrittu ntall'arcu si cci sparti rê pieri.
Amurusi manu cu' i porta
stisi
cu' torna a la terra cu' luocu nnicuzzu ri casa
ssi gghienti cci ruòrmunu
stisi
i scarpi lucenti e a cruna nnê ita.
Sulu l'uocci cci arrèstunu apierti
appisi quathri ntê mura
taliannu tutt'ô sulì cu' passa
ca l'umm'ra appriessu sicuta rrarrieri
E aspèttunu
com'è ddhittu: “ curri quantu vuoi... “
nzia mai quarcarunu ri chissi ca pòrtunu i sciuri
attruppicannu prestu thrasloca
viciniedhu ccu bbiathri, pathri, mathri
na casuzza cciù ssutta
e iu
nta menthri ca rura
urfaniedhu ri ssa porta cci niesciu
trasciuniànnimi l'umm'ra
mamoria
ora amara...appriessu ê ma pieri*